

中國方志叢書·華中地方·第五九九號

據

清·劉潛等修，陳漳辛補跋
清光緒三年修，二十九年補刊本

影印

浙江省

孝豐縣志



成文出版社有限公司印行



10098324

中國方志叢書·華中地方·第五九九號

據

清·劉濬等修，陳淦辛補跋
清光緒二年修，二十九年補刊本

影印

浙江省

孝豐縣志

(一)

成文出版社有限公司印行



10098352

中國方志叢書·華中地方·第五九九號

據


清·劉濬等修，陳漳辛補跋
清光緒三年修，二十九年補刊本

影印

浙江省

孝豐縣志

552/14
成文出版社有限公司印行



10098351

中國方志叢書·華中地方·第五九九號

據

清·劉濬等修，陳漳辛補跋
清光緒二年修，二十九年補刊本

影印

浙江省

孝豐縣志

(四)

成文出版社有限公司印行



10098357

中華民國七十二年三月臺一版

孝豐縣志

共四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第243號

孝豐縣志

同治十二年二月興
脩光緒三年十一月
開雕五年四月工竣

重修孝豐縣志序

孝豐秦故鄣地明以前屬安吉至宏治間
始分設縣治天目峙其南苕水遶其北關
隘踞獨松鐵嶺之險物產沃饒桑竹木之
饒土習民風猶為近古壬申歲余來宰是
邑地雖無幾滿目瘡痍田畝半就荒蕪流

事未復廣為招集滋其利源興廢振
墮於易而數年來經營草創不憚辛
勞如築墮浚池脩學建署以及橋梁道路
育嬰養濟凡一切有益地方而便於民者
業已次第舉行規模粗具而惟脩志一役
竊有志而未逮也會大憲有檄各屬脩



郡縣志之令遂與邑之人悉意講求留心
採訪而故老者民無一存者僅得康熙癸
丑邑令羅君纂脩舊志事成促迫簡畧殊
多而又時隔二百年滄桑陵谷今昔懸殊
賦役戶口增損或異與夫忠孝節義題詠
著述歲有其事地有其人又不知凡幾矣

二
聖德新換紅羊冤沉碧海貞同日月義薄
廟堂記載不得不詳表章不得不備事關
得失直淺鮮哉爰廣前志補其闕遺別類
金門彙為十卷方輿水利履勘出自躬親
人物執文蒐羅半由掌故建置因時之制
食貨酌土之宜職官選舉經世之大端旁

覽災祥致治之要務事苟有係乎政教書
必務致其慎詳庶

興朝文獻不同杞宋之無徵而下邑人文足
脩輜軒之採擇慎願後之守斯土者踵而
增脩之不負 大憲孜孜求治之意而於
風俗人心有裨益也志創脩於甲戌仲秋

閱五載而成其分脩諸君子姓氏具列於
左以誌不忘是爲序

光緒三年歲次丁丑七月知孝豐縣知縣
大興劉濬謹序并書

孝豐縣志舊序

原序

陸

崑

明監察御史歸安人

古列國皆有史自秦罷侯置守郡邑有志卽國之史防於禹
貢備於職方氏凡分野形勝公府建置吏治民風物產悉載
焉所以存故實昭勸戒乃政務所先而弗可緩者然非深達
治體優於崇政豈逮及是耶吳興郡始三國時爲江左文獻
之地歷漢唐宋沿革靡常入皇明循元之舊惟改長興州爲
邑暨轄歸安烏程德清武康安吉而安吉之邑與長興壤地
相接僻處西南盤據天目九龍諸山獨松石虎諸嶺遶遠公
府鄙野難經緩則弛急則變其膏腴山林之利耕入家石武

斷鄉曲而賦役獄訟反在所後永樂正統山寇吳梅二姓嘯聚至勤王師討平成化末邵守王公珣乃建議割長興晏子鄉二鄉附安吉而以安吉孝豐等上九鄉自爲一邑但公府經始賊池未備民居鮮少吏治苟簡湯許二寇復繫牙其間乃請兵戡定於時撫按藩臬深以令長爲艱白諸鈐司遴選泰和郭君治嘉靖癸未夏蒞任不鄙夷其民清嚴律已而濟以勤敏基年百務就緒井里改觀文教聿興人才聯第與上邑抗衡仕優之暇定爲義例屬學諭陳君表采輯成志取其覈而信及係事體之大者若諸仙釋奇怪無補於政者畧之大率准一統志遵時制也間示諸序其端予嘗慨吳興名郡

惟志載舛遺議欲纂修而未遑以名宦人物尤在所先肆輯
爲名賢錄庸備考訂邇德清方尹日乾編纂成志予喜鄰邑
之得人茲覩此編又附名永久豈非幸歟雖然事之成否顯
晦固自有時其實則在乎人焉耳斯邑士民因文獻之足徵
尙其體賢尹之用心勉修行業保族宜家求無負於聖朝休
養生息之恩庶亦有光於斯誌哉郭君字昌修號中洲英俊
之才該博之學弱冠以詩經魁江右故爲政知所先務如此

